

V - BESTELAKOAK

KIROLARABA FUNDAZIOA

Goi mailako klubentzako laguntza deialdia

1. artikulua. Xedea eta helburua

Deialdi honen xedea da Kirolaraba Fundazioak arautzea Arabako Lurralde Historikoan eta/edo Trebiñuko enklabean kokatuta dauden kirol klub eta/edo elkarteei laguntzak emateko modua, baldin eta Eusko Jaurlaritzako kirol erakundeen erregistroan izena emanda badaude, Arabako lurralde kirol federazioei atxikita badaude eta kategoria absolutuan goi mailako taldeak badituzte.

Laguntza horren helburua da deialdi honen 3. artikuluan deskribatzen diren baldintzak betetzen dituzten kirol klub eta/edo elkarteek beren jarduerak garatzeko behar beste baliabide izatea.

Hori guztia, Kultura eta Kirol Sailaren norgehiagokako dirulaguntzen araubidea arautzen duten oinarri orokor arauemailetan (Foru Gobernu Kontseiluaren 50/2019 Foru Dekretua, azaroaren 12koa, 2019ko azaroaren 20ko 134. ALHAOn argitaratua, martxoaren 2ko 7/2021 Foru Dekretuaren bidez aldatua), Arabako Lurralde Historikoko dirulaguntzen urriaren 19ko 11/2016 Foru Dekretuan eta honako deialdi honetan xedatutakoaren arabera.

2. artikulua. Laguntza emateko prozedura

Laguntza horiek norgehiagoka bidez emango dira.

3. artikulua. Erakunde onuradunak eta kanpoan utzitakoak

1. Kirol klub eta/edo elkarteek ondoko baldintza hauek bete behar dituzte mota honetako laguntzak jaso ahal izateko:

- Arabako Lurralde Historikoan edo Trebiñuko enklabean kokatuta egotea.
- Eusko Jaurlaritzako Kirol Erakundearen Erregistroan inskribatuta egotea.
- Arabako lurraldeko kirol federazioetako bati atxikita egotea.

d) Lehiaketa ofizial federatuko jardueretan parte hartzea edo parte hartu izana, betiere kategoria absolutuan, kirol mota edo espezialitate beraren mailarik gorenean, 2020ko irailaren 1etik 2021eko abuztuaren 31ra bitarteko denboraldian.

2. Laguntza jaso dezaketen taldekako lehiaketak ohikoak eta erregularrak dira. Ondorioz, baztertuta daude kirol-arrakasta lortzeko asmoa duten guztiak, hala nola Europako edo munduko txapelketak, Erregearen edo Erreginarenean kopa, autonomia erkidegoko selekzioak, eta abar.

3. Betiere, lehiaketa horiek lehiaketa mailarik gorenei dagozkiela iritziko da. Horren ondorioz, baztertuta egongo lirateke deialdi honetatik honelako lehiaketak: 2 mailako, 3 mailako edo B mailako txapelketak, oinarritzko mailako txapelketak, 2. mailako txapelketak, autonomia erkidegoetako selekzioak eta antzekoak.

4. Artikulu honen aurreko apartatuetan jasotakoari dagokionez, honako salbuespen hauek aplikatuko dira:

a) Laguntza hau jaso dezaketen jardueren artean sartuko da xakean, eskubaloian, emakumezkoen txirrindularitzan, kirol egokitan, futbolekoan, herri kiroletan, errugbian, emakumezkoen triatloian eta waterpoloan, autonomia erkidegoko lehiaketan parte hartzea.

b) Laguntza hau jaso dezaketen jardueren artean sartuko da emakumezkoen txirrindularitzan eta kirol egokituari, kadete eta gazte kategorietako lehiaketan parte hartzea.

c) "Zazpi Herrialde" izeneko txapelketan parte hartzea Espainiako Txapelketan parte hartzearen parekoa izango da.

d) Aurkeztutako modalitatea/espezialitatea lehendik dauden eta ofizialki onartuta dauden federazioetako batean ere sartzen ez den kasuetan, eskaerak balioesteko ardura duen kide anitzeko organoak, egokia iruditzen bazaio, federazioen arteko balioesteko bat hartu ahal izango du erreferentziatuta.

e) Arabako Foru Aldundiarekin beren goi mailako talderen baterako babesletza kontratua duten kirol klub eta/edo elkarteek ezin izango dute laguntza deialdi honetara aurkeztu, baina maila altukoak baino behegaroko kategorietako taldeentzako eskaerak aurkeztu ahal izango dituzte, baldin eta deialdi honetako gainerako baldintzak betetzen badira.

5. Berariaz baztertuta geratuko dira deialdi honetatik honako tipologia hauetakoren batean dauden erakundeak:

a) Kirol erakunde profesionalak; halakotzat hartzen dira indarrean dauden araudian arautuak (LFP, ACB, etab.).

b) Aurreko letran aipatu ez diren eta kirolari profesionalak dituzten klubak.

c) Arabako Foru Aldundiarekin euren goi mailako taldeentzako babes kontratua daukaten goi mailako kirol klubak edo elkarteak. Aurrekoa gorabehera, kirol klub eta/edo elkarte horiek eskaerak aurkeztu ahal izango dituzte goi mailakoak baino behegaroko kategorietako taldeentzat, baldin eta deialdi honetako gainerako baldintzak betetzen badira.

d) "Profesionaltzat" jo ez diren eta kontratu loturak eta/edo bestelakoak dituzten klubak, be-tiere klub profesionalekin edo halakotzat jotzen direnekin zuzenean (klub filialarekin, adibidez).

e) Foru Gobernu Kontseiluaren azaroaren 12ko 50/2019 Foru Dekretuaren hirugarren oinarrian eta haren osteko aldaketetan jasotzen diren egoeretan dauden pertsonak edo erakundeak. Dekretu horrek onetsi zituen Kultura eta Kirol Sailak lehiaketa bidez emango dituen dirulaguntzak arautzeko oinarri orokorrak.

4. artikulua. Laguntzen zenbatekoak, guztira

Dirulaguntzen zenbateko osoak ezingo du inola ere gaingitu helburu horretarako jarri den zenbatekoa, hau da, 225.000 euro. Kirolaraba Fundazioaren 2021eko aurrekontuaren kontura izango da zenbateko hori.

Aurrekontu horrek ez du esan nahi Kirolaraba Fundazioak osorik kontsumitu behar duenik.

Eman beharreko dirulaguntzak kalkulatu ondoren soberakinik badago, eskabideak balioesteko ardura duen kide anitzeko organoak proposatu ahal izango du dirulaguntza hori fundazioaren beraren goi mailako kirolarientzako laguntzen 2021eko deialdira bideratzea.

5. artikulua. Diruz lagundu daitezkeen gastuak eta aldia

1. Entrenamenduetatik eratorritako gastu lagungarriak:

Eskatutako laguntza jaso ahal izateko, egindako kirol jarduerak sortutako gastuek honako kategoria hauetako baten barruan egon beharko dute:

a) Entrenatzaileei eta monitoreei, laguntzaileei, mekanikariei eta antzeko ezaugarriak dituzten beste langile batzuei emandako ordainsariengatikoko gastuak, 60.000 euroko mugaraino.

Zerbitzua kanpora ateraz gero, fakturak kirol entrenamenduetan espezializatutako enpresenak eta/edo profesionalenak izango dira, eta, ondorioz, kanpoan geratuko dira antzeko ezaugarriak dituzten federazio, klub, kirol elkarte eta irabazteko xederik gabeko beste erakunde batzuetatik datozenak.

b) Medikuntza, fisioterapia eta masaje zerbitzuen, albaitaritza zerbitzuen, ortopedia eta antzeko beste zerbitzu batzuen ordainsariengatiko gastuak, 30.000 euroko mugaraino.

Zerbitzua kanpora ateraz gero, fakturak jarduera horretan espezializatutako enpresenak eta/edo profesionalenak izango dira, eta, ondorioz, kanpoan geratuko dira antzeko ezaugarriak dituzten federazio, klub, kirol elkarte eta irabazteko xederik gabeko beste erakunde batzuetatik datozenak.

c) Lizentziengatiko eta entrenamendu aldiagatiko gastuak, 20.000 euroko mugaraino.

d) Entrenamenduko eta lehiaketako kirol ekipamendua erosteagatiko gastuak, 7.000 euroko mugaraino.

e) Kirol material suntsikorra (baloiak, bolak, botika kutxarako materiala eta entrenamendua garatzeko behar-beharrezkoa den material guztia) erosteagatiko gastuak, 7.000 euroko mugaraino.

Salbuespen gisa, onartuko dira bertoko kirolarekin lotutako materialak, norberak erabiltzekoak badira edo hertsiki suntsikorrek ez badira ere.

f) Entrenamenduetarako instalazioak alokatzeagatiko gastuak, 15.000 euroko mugaraino.

2. Lehiaketatik eratorritako gastu lagungarriak:

Eskatutako laguntza jaso ahal izateko, lehiaketa ofizial federatuan egindako kirol jarduerak sortutako gastuek honako kategoria hauetako baten barruan egon beharko dute:

a) Arbitraje, epaile, kronometraje eta laguntzaileen gastuak, 15.000 euroko mugaraino.

b) Kanon gastuak eta federazio tasak (ez abalik ez zehapenik), 15.000 euroko mugaraino.

c) Parte hartzen duten kirolarien eta teknikarien joan-etorri, jatordu eta ostatu gastuak, betiere zuzendaritzako langileak ez badira, eta lehiaketako hornidura gastuak, 20.000 euroko mugaraino.

• Lehen aipatutako joan-etorri gastuei dagokienez, onargarritzat joko dira kirolari, entrenatzaile eta/edo probetako ordezkari espezifikoen joan-etorrietarako egindakoak, eta ez dira sartuko zuzendaritzako langileenak.

Joan-etorriak garraio kolektibo publiko zein pribatuan egin beharko dira (autobusa, trena, taxia, etab.).

Mugitu beharreko pertsona kopurua dela-eta garraio kolektiboa gomendagarria ez bada, ibilgailu pribatuetan egindako joan-etorrien gastuen egiaztagiriak aurkeztu ahal izango dira, eta balioespena izango da 0,29 euro/km.

Gastu hori justifikatzeko, ziurtagiri bat aurkeztu beharko da (II. eranskina), honako datu hauekin: gidariaren izen-abizenak eta NANA, ibilgailuaren matrikula, irteerako eta helmugako herriak, eta egindako kilometroak (joan-etorria). Ziurtagiri hori eskabidea aurkezten duen pertsonak sinatu beharko du, eta dagokion kirol erakundeak zigilatuta.

Goian aipatutako inguruabarretako edozeinetan, ulertuko da erakunde eskatzailearen egoitzatik aterako dela lehiaketa egiten den lekura, eta, itzulerako bidaian, irteerako herria izango dela lehiaketa lekua, eta helmuga erakunde eskatzailearen egoitzako herria.

• Lehen aipatutako otordu gastuei dagokienez, onargarritzat joko dira kirolariei, entrenatzaileei eta/edo ordezkariak sortutakoak kasuan kasuko lehiaketa egunetan; nolahi ere, zuzendaritzako langileei dagozkienak ez dira onartuko.

Kontzeptu hori lehiaketaren udalerriri eta horrek irauten duen egunei baino ez zaie aplikatuko, eta, beraz, kanpoan geratuko dira joan-etorrian elikatzeak eragindako gastuak eta lehiaketa egunetatik kanpo egindakoak.

- Lehen aipatutako ostatu gastuei dagokienez, kirolariek, entrenatzaileek eta/edo ordezkariak lehiaketa egunetan sortutakoak bakarrik izango dira onargarriak, eta ez dira kontuan hartuko zuzendaritzako langileei dagozkienak.

Lehiaketa egingo den herriari eta hura egingo den egunei dagozkien gastuak bakarrik onartuko dira, bai eta aurreko eta hurrengo egunei dagozkienak ere; beraz, kanpoan geratuko dira aurrez adierazitakotik kanpo egindako joan-etorriek, otorduek eta ostatuak eragindako gastuak.

3. Kluba mantentzeko diruz lagundu daitezkeen gastuak:

Kluba edo elkarte mantentzeko gastuak onartuko dira, kategoria hauetakoren batean:

a) Ordaindutako amortizazioa eta interesak, kirol klubaren edo elkartearen egoitza dagoen higiezinaren erosketa finantzatzeko kredituenak.

b) Aholkularitza eta gestoria.

c) Komunikazioa eta zabalkundea.

d) Bulegoko material suntsikorra.

e) Ibilgailuen alokairua, konponketak eta gutxieneko derrigorrezko aseguruak (txirindularitzan bakarrik).

f) Kanpoko garbitze zerbitzuak edo COVID-19 pandemiaren prebentziorako neurriek eragindako gastuak (esku gela, garbiketa, eskularruak, etab.).

g) Ur, elektrizitate eta gas hornidura.

h) Erakunde eskatzailearen erantzukizun zibileko aseguruak.

Ez dira, inola ere, diruz laguntzeko moduko gastutzat hartuko hauek:

a) Zeharkako zergak, baldin eta berreskuratu edo konpentsatu ahal badira.

b) Kirolarien egoitzak.

c) Material inbentariagarria.

d) Ordezkaritza.

e) Zehapenak.

f) Aseguru medikoak eta istripu aseguruak.

g) Garaikurrak.

4. Oro har, 2020ko irailaren 1etik 2021eko abuztuaren 31ra bitarteko aldiari dagozkion gastuak lagunduko dira diruz. Hornidura gastuei dagokienez, aldi horretan fakturatutakoak baino ez dira diruz lagunduko.

6. artikulua. Dirulaguntzen zenbatekoa

Ez dute dirulaguntzarik jasoko, kasuan kasuko deialdietan ezarritakoaren arabera balioetsi ondoren, 150 euroraino iristen ez diren eskaerak.

7. artikulua. Dirulaguntzen bateragarritasuna

Deialdi honetan aurreikusitako laguntzak bateraezinak izango dira Arabako Lurralde Historikoko eta Trebiñuko enklabe Kirol Klubak eta Elkartek Mantentzeko Dirulaguntzen 2021eko deialdian emandakoekin.

Dena den, bateragarriak izango dira xede bererako beste administrazio edo erakunde publikoek zein erakunde pribatuek (estatukoek, Europar Batasunekoek zein nazioartekoek), bai eta Arabako Foru Aldundiko bertako beste sail batzuek ere, ematen dituzten dirulaguntzekin eta laguntzekin, baldin eta ez bada gainditzen diruz lagundutako kontzeptua.

Deialdi honetan araututako dirulaguntzen zenbatekoak, bakarka hartuta edo beste administrazio publiko batzuen edo beste erakunde publiko edo pribatu batzuen dirulaguntza edo laguntzekin batera, ez du inola ere gaindituko sortutako gastuen kostua.

Erakunde onuradunak jakinarazi egingo dio organo esleitzailari helburu bererako beste dirulaguntzarik edo laguntzarik eskuratu duenez edo eskuratzeko eskaerarik egin duenez, estatuko nahiz nazioarteko beste edozein administrazio edo erakunde publikok emanik edo edozein entitate edo erakunde pribatuk emanik.

8. artikulua. Organo eskudunak

1. Prozedura hasteko organo eskuduna Kirolaraba Fundazioaren Patronatua izango da, laguntzen deialdia onartzeko egintzaren bidez.

2. Prozeduraren instrukzioa egiteko organo eskuduna Arabako Foru Aldundiko Kultura eta Kirol Saileko Kirol Zerbitzua izango da. Zerbitzu horri dagokio onuradunek eta bidalitako dokumentazioak deialdi honetan ezarritako betekizun tekniko eta administratiboak betetzen dituztela egiaztatzea.

3. Eskabideak balorazio batzorde batek balioetsiko ditu. Batzorde horren osaera deialdi honen 12. artikuluan arautzen da.

4. Laguntzak emateko prozedura Kirolaraba Fundazioaren Patronatuak ebatziko du, eskumen hori presidentearen esku utziko du.

9. artikulua. Eskaerak aurkeztea

1. Eskaerak Fundazioko Patronatuari zuzenduko zaizkio eta Arabako Foru Aldundiaren (www.araba.eus) Egoitza Elektronikoa eskuragarri dagoen inprimakian bete behar dira modu elektronikoz. Horretarako, aldezturik, erakunde eskatzaileek Arabako Foru Aldundiak onartutako ziurtagiri elektronikoren bat eduki beharko dute. Argibide gehiago: <https://web.araba.eus/es/sede-electronica/conoce-la-sede/como-accedo>. Hori guztia Administrazio Prozedura Erkidearen urriaren 1eko 39/2015 Legean ezarritakoari kalterik egin gabe.

Eskabide-inprimakian, erakunde eskatzaileak diruz lagundu daitezkeen gastuen eta aurreikusitako diru-sarreraren aurrekontua zehaztuko du.

2. Eskabidearekin batera, dagokion Arabako federazioaren ziurtagiria aurkeztu beharko da, taldearen administrazio datuak eta heldu den lehiaketa maila adierazten dituena. Dokumentazio hori zigilatuta egongo da, eta Arabako federazioaren arduradunaren izena eta sinadura izango ditu (l. eranskina).

3. Instrukzio organoak, administrazio publikoen arteko datu-bitartekaritzarako plataformen bidez, egiaztatuko du erakunde eskatzaileak zerga betebeharrak eta Gizarte Segurantzakoak egunean izateko baldintzak betetzen dituela, salbu eta erakunde horrek horren aurka egiten badu; kasu horretan, egitate hori egiaztatzen duen dokumentazioa aurkeztu beharko du, 39/2015 Legearen 28.2 artikulua arautzen duen bezala (abenduarien 5eko 3/2018 Lege Organikoak, Datu Pertsonalak Babesteari eta Eskubide Digitalak Bermatzeari buruzkoak, aldatua, azken xedapenetatik hamabigarrenean).

4. Deialdian parte hartzen duen erakunde bakoitzak eskaera bakar bat aurkeztu beharko du, dituen modalitate edo espezialitateak gorabehera.

5. Eskabidean jarri beharreko datuen bat edo nahitaezko agiriren bat falta bada, eskatzaileari eskatuko zaio hamar eguneko epean akatsa zuzendu edo nahitaezko agiriak aurkez ditzala, eta ohartaraziko zaio, hala egin ezean, eskaera bertan behera utzi duela ulertuko dela. Administrazioak eskaera horren esanbidezko ebazpena eman eta jakinarazi beharko du.

10. artikulua. Eskaerak aurkezteko epea

Eskaerak aurkezteko epea 15 egun naturalekoa izango da, deialdi hau ALHAOn argitaratu eta hurrengo egunetik aurrera.

11. artikulua. Prozeduraren instrukzioa eta balioespen irizpideak

1. Laguntzak banatzeko, puntuazioaren arabera banaketa sistema bat aplikatuko da, honako arau hauek hurrenez hurren aplikatzean datzana:

- Erakunde eskatzaile bakoitzari puntu kopuru bat emango zaio, diruz lagundu daitezkeen gastuen guztizkoan oinarrituta, jarraian agertzen den taularen arabera.

- Deialdi honen 3. artikuluan ezarritako betekizunak betetzen dituen erakunde bakoitzari esleitutako puntuak batuko dira.

- Ebazpen honen 4. artikuluan ezarritako laguntzaren zenbateko osoa erakunde eskatzaile guztiek lortutako puntuen baturarekin zatituko da. Banaketa horren emaitza puntu bakoitzaren balio ekonomikoa izango da.

- Erakunde bakoitzari emandako puntu kopurua bider puntuaren balio ekonomikoa egingo da; horrela, erakunde onuradun bakoitzari dagokion diru kopurua lortuko da.

GASTU LAGUNGARRIAK, GUZTIRA	PUNTUAK
5.000 eurora arte	5
5.000,01 euro eta 10.000,00 euro artean	10
10.000,01 euro eta 15.000,00 euro artean	15
15.000,01 euro eta 20.000,00 euro artean	20
20.000,01 euro eta 25.000,00 euro artean	25
25.000,01 euro eta 30.000,00 euro artean	30
30.000,01 euro eta 35.000,00 euro artean	35
35.000,01 euro eta 40.000,00 euro artean	40
40.000,01 euro eta 45.000,00 euro artean	45
45.000,01 euro eta 50.000,00 euro artean	50
50.000,01 euro eta 55.000,00 euro artean	55
55.000,01 euro eta 60.000,00 euro artean	60
60.000,01 euro eta 65.000,00 euro artean	65
65.000,01 euro eta 70.000,00 euro artean	70
70.000,01 euro eta 75.000,00 euro artean	75
75.000,01 euro eta 80.000,00 euro artean	80
80.000,01 euro eta 85.000,00 euro artean	85
85.000,01 euro eta 90.000,00 euro artean	90
90.000,01 euro eta 95.000,00 euro artean	95
95.000,01 euro eta 100.000,00 euro artean	100
100.000,01 euro eta 105.000,00 euro artean	105
105.000,01 euro eta 110.000,00 euro artean	110
110.000,00 euro baino gehiago	115

2. Emaitza gisa lortutako kopurua edozein dela ere, honako muga hauetako bakoitza aplikatuko da:

a. Jardueraren defizitaren muga: gastuen guztizkoaren eta diru sarreraren guztizkoaren arteko aldean ezartzen da muga.

b. Diruz lagun daitezkeen gastuen muga: diruz lagun daitezkeen gastuen guztizko kopuruan ezartzen da muga.

c. Eskatutako zenbatekoaren muga.

3. Muga horiek aplikatu ondoren, erakunde eskatzaile guztiek jaso beharreko zenbatekoaren batura deialdiaren zenbateko osoa baino txikiagoa bada, bigarren banaketa bat egingo da soberako zenbatekoarekin aurreko apartatuan ezarritako muga ekonomikoetara iritsi ez diren erakundeen artean.

Bigarren banaketa horretarako, soberako kopurua zatituko da aurreko apartatuan ezarritako muga batera ere iritsi ez diren erakundeen puntu kopuruarekin; horrela, puntuari dago-kion bigarren balio bat lortuko da. Bigarren puntu balio hori erakunde bakoitzari emandako puntu kopuruarekin biderkatuko da. Horrela, bigarren banaketa horretan esleitu beharreko diru kopurua lortuko da, eta lehen banaketari gehituko zaio.

Soberakin ekonomikorik badago, aurreko paragrafoan deskribatutako eragiketa errepikatuko da, harik eta deialdiaren gehieneko kopurura iritsi arte, edo entitate guztiek aurreko atalean adierazitako mugaren batera heldu arte.

12. artikulua. Ebazpena eta jakinarazpena

1. Balorazio Batzorde batek aztertuko ditu eskabideak. Batzorde horrek kontuan hartuko du otsailaren 18ko 4/2005 Legeak, Emakumeen eta Gizonen Berdintasunerakoak, bere 3.7 artikuluan ezarritakoa. Hortaz, honako kide hauek izango ditu:

– Batzordeburua: Arabako Foru Aldundiko Kirol Zerbitzuko burua edo hark eskuordetzen duen pertsona.

– Batzordekidea: Kultura eta Kirol Saileko Idazkaritza Teknikoko Zerbitzuko teknikari bat.

– Idazkaria: Arabako Foru Aldundiko Kirol Zerbitzuko talde teknikoko pertsona bat.

2. Balorazio batzordeak akta egingo du, aurkeztutako eskaerak deialdian ezarritako irizpideen arabera aztertu ondoren, eta bertan, egindako ebaluazioaren emaitza eta eskaeren lehentasun zerrenda zehaztuko da, hala badagokio.

3. Ez da egongo entzunaldiko izapiderik, ebazpena emateko ez baitira aintzat hartuko erakunde onuradunek aurkeztutako gertaerak eta agiriak baino.

4. 8. Artikuluan zehaztutako organoak deialdia ebatziko du gehienez sei hilabeteko epean, deialdia ALHAOn argitaratzen denetik zenbatzen hasita. Epe horretan, esanbidezko ebazpenik ematen ez bada, interesdunek ulertu beharko dute eskaera ezetsi egin dela.

5. Dirulaguntzak emateko ebazpenean jaso beharko da dirulaguntza zer erakunde eskatzaileari eman zaien, eta espresuki adierazi gainerako eskaerak ezetsi egin direla.

6. Laguntza emateko edo ukatzeko ebazpena banan-banan jakinaraziko zaie erakunde eskatzaileei, Administrazio Publikoen Administrazio Prozedura Erkidearen urriaren 1eko 39/2015 Legearen 43. Artikuluak xedatutakoari jarraiki.

7. Erabaki honek amaiera ematen dio administrazio bideari eta aukerako berraztertze errekurtsoa aurkez daiteke horren aurka erabakia eman duen organoaren aurrean, Administrazio Publikoen Administrazio Prozedura Erkidearen urriaren 1eko 39/2015 Legearen 123. artikulua xedatutakoaren arabera, hilabeteko epean, erabakia argitaratu eta hurrengo egunetik aurrera; bestela, administrazioarekiko auzi errekurtsoa aurkez daiteke zuzenean, Gasteizko Administrazioarekiko Auzien Epaitegiaren aurrean, bi hilabeteko epean, ebazpena argitaratu eta hurrengo egunetik aurrera.

13. artikulua. Dirulaguntza ordaintzea

Emandako zenbatekoak Kirolaraba Fundazioaren 2021eko ekitaldiko gastuen aurrekontuaren kargura ordainduko dira, bi epean: lehena, justifikatu beharreko aurrerakin gisa, laguntzaren ehuneko 50ekoa, deialdiaren ebazpena onartu ondoren; eta bigarrena, esleitutako gainerako kopururaino, deialdi honen 14. artikuluan jasotako dokumentazioa aurkeztu ondoren.

Ezingo da ordainketa egin, harik eta erakunde onuradunak zerga betebeharrak eta Gizarte Segurantzarekikoak egunean izan arte.

14. artikulua. Justifikazioa

1. Dirulaguntzen justifikazioa, betiere, Foru Gobernu Kontseiluaren azaroaren 12ko 50/2019 Foru Dekretuaren hamaikagarren oinarrian ezarritakoaren konforme egin beharko da; foru dekretu horren bidez, onespena eman zitzaien Kultura eta Kirol Sailaren dirulaguntzak esleitzeko oinarri arautzaile orokorrei.

2. Laguntzen erakunde onuradunek, 2021eko irailaren 30ean amaituko den epean, memoriaren eta likidazioaren inprimaki normalizatua aurkeztu beharko dute, behar bezala beteta, eta honako agiri hauek barne:

a) Diruz lagundu daitezkeen gastuen zerrenda sailkatua, enpresa hartzekoduna (IFZ eta izen soziala), fakturaren jaulkipen data, kontzeptua eta zenbatekoa identifikatuta, BEZa xehatua.

b) Beharrezkoa bada, joan-etorrien gastuen ziurtagiria, deialdi honen 5.2 artikuluan jasotakoarekin bat etorriz (II. eranskina).

c) Erakunde eskatzaileak, 2020an zehar Fundaziotik laguntza ekonomikorik jaso badu, Kiro-laraba Fundazioaren publizitate presentzia egon dela egiaztatu beharko du (kirol ekipamendua, kartelak, web orria edo beste edozein hedabide).

d) Egindako gastuen fakturak eta ziurtagiriak.

Gastuak justifikatzeko ez da onartuko, besteak beste, honako datu hauek argi eta garbi azaltzen ez dituen fakturarik ez ordainagiririk:

- Jaulkitzailea, berorren izena edo sozietatearen izena eta NANA edo IFZ.
- Hartzailea, berorren izena edo sozietatearen izena eta NANA edo IFZ.
- Gastuaren xedea.
- Data.
- Faktura zk.

Halaber, ez dira onartuko justifikazio gastu gisa pertsona fisikoen errentaren gaineko zergaren konturako atxikipenen gaineko zerga araudia betetzen ez duten fakturak edo ordainagiriak.

Langileen gastuak justifikatzeko, dokumentu hauetako bat bakarrik onartuko da:

- Jatorrizko nominak, langileak izenpetuak, non izenpearen bidez langileak soldata jaso duela adierazten baita.
- Langileak izenpetutako jatorrizko idazkia, non agertuko baita langileak kobratu egin duela eta kobratutakoa zein hilabetekoa den.
- Langileen jatorrizko 10-T agiriak.
- Nominen ordainketa pilatuaren banku laburpen jatorrizkoa, eta, harekin batera, enpresa/entitate onuradunaren ziurtagiri bat, azalduz ezen dagokion langilearen nomina transferentzia jakin baten kontura dagoela ordainduta, adieraziz zein zenbateko dagokion langile bakoitzari aurkeztutako hileko bakoitzeko.
- TC1. Gizarte Segurantzaren Diruzaintza Nagusiaren aplikazioaren bidez (RED sistema) sortutako agiria, aztarna digitala duena, edo horren kopia (erkatu gabekoa izanda ere), edo Gizarte Segurantzaren bulegoetan aurkeztutako jatorrizko dokumentua, finantza erakunde batek zigilatua, edo, hala behar denean, kotizazioen ordainketaren banku laburpena.
- TC2. Gizarte Segurantzaren Diruzaintza Nagusiaren aplikazioaren bidez (RED sistema) sortutako agiria, aztarna digitala duena, edo horren kopia (erkatu gabekoa izanda ere), edo Gizarte Segurantzaren bulegoetan aurkeztutako jatorrizko dokumentua.

PFEZaren gainean egindako atxikipenak diruz lagundu daitezkeen gastutzat jotzeko, aurkeztutako hiruhileko 110 ereduak, PFEZaren gaineko atxikipenak eta konturako diru sarrerak eta haien ordainagiriak aurkeztu beharko dira.

e) Diruz lagun daitezkeen gastuen banku ordainagiriak, 500 eurotik gorakoak. Ez da onartuko banku ordainagiririk, baldin eta ordainagiri horrek ez baditu argi eta garbi jasotzen enpresa eskatzaileak hornitzaileari faktura ordaindu diola.

Honako hauek onartuko dira ordainagiri gisa:

- Bankuko jatorrizko ziurtagiria; han agertuko dira, gutxienez, zenbatekoa, data eta ordainketaren edo transferentziaren onuraduna. Ziurtagiri hori izenpetuta aurkeztuko da, eta/edo finantza erakundearen zigilua daukala.

- Jatorrizko fakturaren jaulkitzaileak sinatutako eta/edo zigilatutako ziurtagiria; han agertuko dira faktura zenbakia, zenbatekoa eta ordainketa data.

- Posta arruntez jasotako banku laburpenak, jatorrizkoak.

- Kontu korronteen libreten kopia konpultsatua, mugimenduak ageri dituen.

- Posta elektronikoz jasotako banku laburpenak edo transferentzia agindu telematikoak, ordainketa edo transferentzia egin duen bankuaren zigiluarekin.

- Jatorrizko fakturak, enpresa jaulkitzaileak jarritako zigiluarekin, ordainduta daudela adieraziz.

f) Diruz lagundutako jarduera finantzatu duten beste laguntza edo dirulaguntza batzuei buruzko informazioa, zenbatekoa eta nork emana den zehaztuz.

g) Hala badagokio, itzulketaren ordainketa gutuna, aplikatu ez diren gerakinen kasuan; bai eta horietatik eratorritako interesena ere.

3. Organo izapidegileak egokitzat jotzen dituen dokumentu, argibide, frogagiri eta faktura guztiak eskatu ahal izango dizkie entitate onuradunei, dirulaguntza dagokion xederako ez besterako erabili izanaren arrazoizko ebidentzia lortzeko.

4. BEZaren kuota jasanak diruz lagundu daitezkeen gastutzat jotzeko, Arabako Foru Aldundiko Ogasun, Finantza eta Aurrekontu Sailaren edo zerga egoitzaren kokalekuko zerga administrazioaren ebazpena aurkeztu beharko da. Ebazpen horretan, onartuta egongo da erakundearen izaera soziala, BEZaren Foru Arauaren 20. Hiru artikuluan aurreikusitakoa, 20. Bat artikulua 13. apartatuak jasotzen duen zerga salbuespena aplikatzeko.

5. Justifikazio dokumentazioa baliabide elektronikoen bidez aurkeztuko da Arabako Foru Aldundiaren egoitza elektronikoa (<https://web.araba.eus/es/sede-electronica>). Erakundeak erantzukizunpeko adierazpena izenpetuko du, non jasoko baitu espedientera sartzen diren fitxategiak jatorrizkoen irudi zehatza direla, jatorrizkoak erakunde eskatzailearen eskuetan daudela eta Arabako Foru Aldundiaren eskura jarriko dituela hala eskatzen zaionean.

Instrukzio organoak, deialdietan erabakitako laginketa tekniken bidez, egokitzat jotzen dituen justifikazio agiriak egiaztatuko ditu, eta, horretarako, hautatu diren jatorrizko gastuen eta ordainketen egiaztagiria bidaltzeko eskatu ahal izango die onuradunei.

Dirulaguntzak justifikatzean baliabide elektronikoen, informatikoen eta telematikoen erabilera arautzen duen uztailaren 17ko EHA/2261/2007 Aginduan xedatutakoarekin bat etorritik, faktura elektronikoak gastuak justifikatzeko erabili ahal izango dira.

Faktura elektronikoak aurkeztuz gero, Factura-e motako estandarren arabera izan beharko da haien formatua. Elektronikoki izenpetutako beste zernahi agiri aurkeztu behar izanez gero, onartu egingo dira konfiantzazko zerbitzu elektroniko kualifikatuen eskaintzaileen konfiantzazko zerrendan jasotako ziurtagiriak <http://sede.minetur.gob.es/Prestadores>.

6. Jarduera egin eta gero, aurkeztutako datuetan edozein aldaketa eginez gero, horrek eskabidean adierazi ziren eta dirulaguntza kalkulatzeko oinarri moduan erabili ziren datuetan aldaketarik sortzen badu, hura berriro kalkulatu beharko da, deialdi honetan jasotzen diren irizpideen arabera, eta ezin izango da, inola ere, hasieran bideratutakoa baino handiagoa izan.

7. Deialdi honen 14.2 artikuluan adierazitako epea amaitzen bada, aipatutako dokumentazioa aurkeztu gabe, ordainketa kredituak baliogabetuko dira, eta "konturako ordainketa" moduan jasotako diru kopuruak itzultzeko espedientea abiaraziko da.

15. artikulua. Erakunde onuradunen betebeharrak

Entitate laguntzaileek Arabako Lurralde Historikoaren Dirulaguntzen urriaren 19ko 11/2016 Foru Arauaren 13. artikuluan ezarritako betekizunak bete beharko dituzte.

a) Laguntza emandako xede zehatzerako erabiliko dute.

b) Arabako Foru Aldundiak egindako egiaztatze jarduketak beteko dituzte, finantza kontrolak eta/edo aipatutako administrazio publikoko kontu hartzailetzak egindako kontrolak beteko dituzte eta Herri Kontuen Euskal Epaitegiaren arauetan aurreikusitakoak beteko dute.

c) Aurkeztutako dirulaguntza eskaera balioesteko egoki irizitako argibide eta agiri guztiak ematea Arabako Foru Aldundiari.

d) Deialdi honetan ezarritako betebeharrak betetzea, bai eta Arabako Foru Aldundiaren aurrekontuen kontura jasotako laguntza eta dirulaguntzak direla eta ezarritako gainerako betebeharrak eta eginkizunak ere.

e) Egiaztatzea baldintzak betetzen dituela eta dirulaguntza emateko eta hartaz gozatzeko oinarri izan den jarduera egin duela.

16. artikulua. Erantzukizunak

Erakunde onuradunak beren gain hartuko ditu jarduerak gauzatzearen ondoriozko erantzukizun guztiak, eta indarrean den legediak jarduerak edo programak gauzatzeko galdegiten dituen baimen guztiak eskatu beharra dauka.

17. artikulua. Publizitatea

1. Deialdi hau ALHAOn iragarki bat jarriz jakinaraziko da. Horrez gainera, fundazioaren web orrian ere jarriko da: www.kirolaraba.eus.

2. Deialdi honetako dirulaguntzen erakunde onuraduna behartuta dago berariaz eta modu argian adieraztera diruz lagundutako jarduerari buruzko argibide, publizitate eta propaganda orotan Kirolaraba Fundazioak babesa eman duela; edonola ere, laguntza ekonomikoa ematen zuen ebazpenean zehazten ziren baldintzetan egingo da hori.

3. Herritarrei jarduera lagungarria zabaltzeko diren liburuxkak, kartelak eta bestelako euskarriak bi hizkuntza ofizialetan argitaratuko dira. Gainera, publizitate horretan hizkuntza eta irudiak berdintasunez eta sexismorik gabe erabiliko dira, emakumeen eta gizonen presentzia orekatua eta estereotiporik gabeta bermatuz.

18. artikulua. Interpretazioa

Deialdi hau interpretatzean sor daitekeen edozein zalantza Kirolaraba fundazioak ebartziko du.

19. artikulua. Delegazioa

Deialdi honen 8. artikuluan aurreikusitakoarekin bat etorritik, laguntzak emateko prozeduraren ebazpena Patronatuko lehendakariaren esku uzten da.

20. artikulua. Azken klausula

Foru agindu honetan ezarritako prozedura Foru Gobernu Kontseiluaren azaroaren 12ko 50/2019 Foru Dekretuak (Kultura eta Kirol Sailaren norgehiagoka bidezko dirulaguntzen emakida arautzen duten oinarri orokor arauemaileak onartu zituena) diotenari, Arabako Lurralde Historikoko Dirulaguntzei buruzko urriaren 19ko 11/2016 Foru Arauak dirulaguntzen arloan arautzen dituen xedapenei, eta Dirulaguntzei buruzko azaroaren 17ko 38/2003 Lege Orokorrak eta uztailaren 21eko 887/2006 Errege Dekretuak, Dirulaguntzei buruzko azaroaren 17ko 38/2003 Lege Orokorraren Erregelamendua onartzen duenak, ezarritakoari lotzen zaio, bai eta araudi aplikagarriak xedatzen duen guztiari ere.


Vitoria-Gasteiz, 2021eko apirilaren 20a

Kirolaraba Fundazioaren Patronatuko presidentea

ANA M. DEL VAL SANCHO

Patroia

ANA ROSA LÓPEZ DE URALDE GÓMEZ

 <p>FUNDACIÓN Arabako Foru Aldundia FUNDAZIOA Diputación Foral de Álava</p>	<p>Goi Mailako Klubentzako laguntzak. (I. eranskina) Federazioaren Ziurtagiria 2021</p> <p>Ayudas para Clubes de Alto Nivel. (Anexo I) Certificado Federación</p>
--	--

FEDERACIÓN ALAVESA DE		ARABAKO FEDERAZIOA
-----------------------	--	--------------------

ZIURTATZEN DU ■ CERTIFICA

**Ondoren zehazten den kirol klubak
edo taldeak honako datuak dituela:**

Que el siguiente club o agrupación
deportiva tiene estos datos:

Sozietatearen izena ■ Razón social		IKZ CIF	
------------------------------------	--	------------	--

Kirol diziplina Disciplina deportiva	
---	--

ELKARTEAREN MAILA GORENEKO TALDEA / EQUIPO DE MÁXIMA CATEGORÍA DE LA ENTIDAD

Maila Categoría:		Emakumezkoak Femenina	<input type="checkbox"/>	Gizonezkoak Masculina	<input type="checkbox"/>	Mistoa Mixto	<input type="checkbox"/>
---------------------	--	--------------------------	--------------------------	--------------------------	--------------------------	-----------------	--------------------------

(markatu X batekin ■ marcar con una X)

Lehiaketaren izena 2020 eta/edo 20/21 Denominación de la competición 2020 y/o 20/21	
--	--

Arabian lurralde historikoan dago	<input type="checkbox"/>	Está radicado/a en el Territorio Histórico de Álava.
Eusko Jaurlaritzako kirol erakundearen erregistroan erregistratuta dago	<input type="checkbox"/>	Está inscrito/as en el Registro de Entidades deportivas del Gobierno Vasco.
Arabako kirol federazio honi atxikita dago	<input type="checkbox"/>	Se encuentra adscrito/a a esta Federación deportiva alavesa.
Lehiaketa ofizialetako autonomiaz gaindiko jardueretan parte hartzen du	<input type="checkbox"/>	Participa en competición oficial de nivel superior al autonómico
Kategoria goren absolutuko kide da, kirol modalitate eta/edo espezialitate bereko taldeetan 2020/2021	<input type="checkbox"/>	Milita en la máxima categoría absoluta entre los de la misma modalidad y/o especialidad deportiva, en la temporada 2020/2021.
Taldeak parte hartu du Espainiako Txapelketaren batean 2020an zehar. Categoría absolutua.	<input type="checkbox"/>	El club ha participado en algún Campeonato de España a lo largo de año 2020. Categoría absoluta.
Sartuta dago autonomiako lehiaketaren batean parte hartzen duten xake, esku baloia, emakumezkoen ziklismoa, kirol egokitua, futbol, Herri Kirolak, errugbi eta waterpoloko modalitateetako taldeetarako salbuespenean, zeinak laguntza honen onuradunak izango diren.	<input type="checkbox"/>	Está incluido/a en la excepción recogida para las modalidades de ajedrez, balonmano, ciclismo femenino, deporte adaptado, fútbol, Herri Kirolak, rugby y waterpolo que participen en alguna competición autonómica, que se incluye entre los beneficiarios de esta ayuda.


(markatu X batekin ■ marcar con una X)

ARABAKO FEDERAZIOAREN ZIGILUA
SELLO DE LA FEDERACIÓN ALAVESA

Ordezkaría
Representante _____

Ordezkarieren sinadura
Firma del/la representante _____

Orria ■ Hoja 1/1

 <small>FUNDACIÓN Arabako Foru Aldundia FUNDAZIOA Diputación Foral de Álava</small>	Goi Mailako Klubentzako laguntzak. (II. eranskina) Joan Etorriak 2021 Ayudas para Clubes de Alto Nivel. (Anexo II) Desplazamientos
---	---

JOAN ETORRIAK / DESPLAZAMIENTOS

ENTITATEAREN DATUAK / DATOS ENTIDAD

Izena/Nombre:	
IFZ/NIF:	

GIDARIAREN DATUAK / DATOS CONDUCTOR/A

Izena/Nombre:	
NAN/DNI:	

IBILGAILUAREN DATUAK / DATOS VEHÍCULO

Matrikula/Matrícula:	
Plazen kopurua (gidaria ere barne)/ Número plazas (incluido conductor/a):	

IBILBIDEAREN DATUAK / DATOS TRAYECTO

Joateko data/ Fecha ida:		Egindako km kopurua/ Kilómetros realizados:	
Irteteko tokia joatean/ Localidad salida ida:		Iristeko tokia joatean/ Localidad llegada ida:	

Itzulerako data/ Fecha vuelta:		Egindako km kopurua/ Kilómetros realizados:	
Irteteko tokia itzultzean/ Localidad salida vuelta:		Iristeko tokia itzultzean/ Localidad llegada vuelta:	

DATU EKONOMIKOAK / DATOS ECONÓMICOS

Kilometroak guztira (joatea eta itzultzea)/Número total kilómetros (ida y vuelta): (x 0,29€/km)	
Bidesarien zenbatekoa guztira (joatea eta itzultzea)/Importe total peajes (ida y vuelta)*:	
GUZTIRA / TOTAL	

*Nahitaezkoa da jatorrizko ticketak aurkeztea./Es obligatorio adjuntar tickets originales.

Arduraduna/Responsable: _____

ENTITATEAREN ZIGILUA/
SELLO ENTIDAD:

Entitatearen arduradunaren sinadura/ Firma responsable entidad: